



**ҚАЗАҚСТАН  
РЕСПУБЛИКАСЫНЫҢ  
ҰЛТТЫҚ БАНКІ  
№ 021 БАСПАСӨЗ РЕЛИЗИ**

**2004 жылғы 15 қыркүйек**

**Қазақстан Республикасы Ұлттық Банкінің  
банк секторындағы ағымдағы жағдай туралы  
ресми хабары**

2004 жылғы 1 қыркүйектегі жағдай бойынша Қазақстан Республикасының банк секторында 35 екінші деңгейдегі банк жұмыс істейді, оның ішінде 1-і мемлекеттік, 15-і шетелдің қатысуымен және «Қазақстан Даму Банкі» АҚ.

Банк жүйесіндегі тұрлаулылық артуда. Ағымдағы жылғы 8 айда жиынтық меншік капиталы 30,5%-ға, 291,6 млрд. теңгеге дейін өсті.

Банктердің жиынтық активтері 30%-ға 2,2 трлн. теңгеге дейін ұлғайды.

Банк жүйесінде резиденттер депозиттерінің жалпы көлемі ақпан – шілде аралығында 24,8%-ға ұлғайды және 914,0 млрд. теңге болды.

Халық салымдарының өсу үрдісі жалғаса түсті (резидент еместерді қоса алғанда), олардың көлемі 15,3%-ға ұлғайды және 395,9 млрд. теңгеге жетті.

Сол сияқты экономиканы кредиттеуді де банктер белсенді жүзеге асыруда. Банктердің экономикаға кредиттері бойынша жыл басынан бері негізгі борыштың жалпы көлемі 26,1%-ға ұлғайды және шілденің аяғында 1233,1 млрд. теңге болды.

Осылайша, Қазақстандағы банк секторының даму қарқыны бүгінгі күні айтарлықтай жоғары. Мұндай үрдіс бірнеше жыл қатарынан байқалып отыр және тұрақты болып табылады, оның үстіне ол экономиканың басқа секторларындағы жоғары өсу қарқынымен нығая түсуде. Бұл жағдайда банктердің банкрот болуына қандай да болмасын макроэкономикалық алғышарттар жоқ.

Қазақстандағы ірі банктердің, оның ішінде Қазкоммерцбанктің қаржылық жағдайының тұрақсыздығы туралы салық тексерулеріне байланысты соңғы кезде таралып отырған ақпаратқа келетін болсақ, мынадай жағдайды айта кеткен жөн.

Жүргізілген тексерулердің нәтижелері түпкілікті емес, себебі анықталған салық заңнамасын бұзушылықпен банктердің келіспеуіне байланысты олардың көбіне шағым жасалуда. Банктердің салық берешегін өтеу есебіне төлейтін сомалары туралы айту әлі ерте. Қандай жағдай болмасын, Қазақстан Ұлттық Банкінің және Қазақстан Республикасының Қаржы нарығын және қаржы ұйымдарын реттеу мен қадағалау жөніндегі агенттігі мамандарының бағалауы бойынша, жария етілген соманы төлеу банктердің қаржылық жағдайларын нашарлатуға әкеліп соқтырмайды және банк салымшылары мен клиенттеріне еш залалын тигізбейді.

Осыған байланысты қаржы саласындағы маман болып табылмайтын және шынайы емес мәліметтерді таратып жүрген жекелеген тұлғалардың және ұйымдардың әрекеттері Қазақстандағы тұтастай алғанда банк жүйесін тұрақсыздандыруға және жекелеген банктердің беделін кемітуге бағытталған арандату деп есептейміз.

Өз тарапынан Қазақстан Ұлттық Банкі еліміздің азаматтарына зиян келтіру есебінен өздеріне саяси ұпай жинағысы келетін осындай адамдар мен ұйымдардың іс-әрекетін болдырмау мақсатында тиісті құқық қорғау органдарына жүгіну құқығын өзіне қалдырады.

Ұлттық Банк Қазақстанның азаматтарына осындай арандатушылыққа берілмеуге және өз іс-әрекетінде ресми расталған деректер мен мемлекеттік органдардың өтініштеріне негізделген мәліметтерге сүйену қажеттігі туралы мәлімдейді.